

**ՓԱՍՏԱԲԱՆՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ  
ՀԱՅՏԱՐԱՐՈՒԹՅՈՒՆԸ՝ ՓԱՍՏԱԲԱՆ ԲԱԿՈՒՐ ՕՂԱՆՅԱՆԻ ՀԵՌԱԽՈՍԱՅԻՆ  
ԽՈՍԱԿՑՈՒԹՅՈՒՆՆԵՐԸ ԳԱՂՏՆԱԼՍԵԼՈՒ ՎԵՐԱԲԵՐՅԱԼ**

20.05.2021 16:43



Հայաստանի Հանրապետության փաստաբանների պալատի փաստաբանների իրավունքների պաշտպանության հանձնաժողովը համակարգող Գևորգ Մկրտչյանի և անդամներ՝ Արմինե Ֆանյանի, Արսեն Մկրտչյանի, Արմեն Ֆերոյանի կազմով, մասնակցությամբ փաստաբան Բակուր Օհանյանի,

ուսումնասիրելով փաստաբան Բակուր Օհանյանի կողմից ներկայացված դիմումը՝ իր և իր վստահորդների հեռախոսային խոսակցությունները գաղտնալսելու վերաբերյալ, արձանագրել է, որ ՀՀ քննչական կոմիտեի Լոռու մարզի քննչական վարչության Թումանյանի քննչական բաժնում քննված թիվ 55101821 քրեական գործի նյութերում առկա են «Հեռախոսային խոսակցությունների վերահսկում» օպերատիվ-հետախուզական միջոցառումների արդյունքում ստացված ամփոփագրեր, որոնց մի մասը վերաբերում են փաստաբան, նույն գործով պաշտպան՝ Բակուր Օհանյանին պատկանող բջջային հեռախոսահամարի գաղտնալսումներին:

Նշված ամփոփագրերից նաև բխում է, որ հեռախոսային խոսակցությունների մի մասը վերաբերում են՝ Բակուր Օհանյանի և այլ քրեական գործերով, վերջինիս պաշտպանյալների հետ ունեցած հաղորդակցությանը, որոնք այլ քրեական գործերով հանդիսանում են փաստաբանական գաղտնիք պարունակող տվյալներ:

Հանձնաժողովն ուսումնասիրելով փաստաբան Բակուր Օհանյանի կողմից ներկայացրած նյութերը, լսելով վերջինիս բացատրությունները, դրանք վերլուծելով միջազգային և ներպետական իրավակարգավորումների լույսի ներքո, **ՈՐՈՇԵԼ Է.**

**- ՀԱՅՏԱՐԱՐԵԼ.**

**առանց սահմանադրաիրավական երաշխիքների (դատարանի որոշման բացակայության պայմաններում) հեռախոսային խոսակցությունների վերահսկումը և ձայնագրառումը մարդու հիմնարար իրավունքի՝ հեռախոսային խոսակցությունների գաղտնիության իրավունքի խախտում է:**

**Քրեական հետապնդման մարմինների կողմից փաստաբան, թիվ 55101821 քրեական գործով պաշտպան Բակուր Օհանյանի հեռախոսային խոսակցությունները գաղտնալսելու, դրանք հետազոտման առարկա դարձնելու, քրեական գործին կցելու և դատավարության այլ մասնակիցներին հասանելի դարձնելու մասով իրականացված գործողություններն ապօրինի են և չեն բխում ինչպես միջազգային, այնպես էլ՝ ներպետական իրավակարգավորումներից:**

**- ԴԱՏԱՊԱՐՏԵԼ.**

**ՀՀ ոստիկանության Թումանյանի բաժնի և ՀՀ քննչական կոմիտեի Լոռու մարզի քննչական վարչության Թումանյանի քննչական բաժնի համապատասխան պաշտոնատար անձանց կողմից փաստաբանական գաղտնիքը խախտելուն ուղղված գործողությունները, ինչպես նաև քննիչ Ս. Դանիելյանի՝ գաղտնալսման արդյունքները ոչնչացնելուց հրաժարվելը:**

**- ՀՈՐԴՈՐՈՐԵԼ.**

**իրավասու ՀՀ պետական մարմիններին ու պաշտոնատար անձանց.**

**գերծ մնալ առանց դատարանի որոշման՝ անձանց նամակագրության, հեռախոսային խոսակցությունների և հաղորդակցության այլ ձևերի գաղտնիության իրավունքը խախտելուն ուղղված գործողությունների կատարումից:**

**Իրավական գնահատական տալ, ինչպես՝ առանց դատարանի որոշման համապատասխան օպերատիվ-հետախուզական միջոցառում իրականացրած, այնպես էլ՝ փաստաբանի և վերջինիս վստահորդի (վստահորդների) միջև հեռախոսային խոսակցություններն ապօրինի գաղտնալսած պաշտոնատար անձանց գործողություններին:**

Հայաստանի Հանրապետության փաստաբանների պալատի

Փաստաբանների իրավունքների պաշտպանության հանձնաժողով

## Բեռնել Հանձնաժողովի որոշումը

```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```